

續

耆

舊

續耆舊卷百十三

西園唱和諸子之一

張河內起宗字元友一字萼山諸生鴻儒子也康熙辛未進士知河內縣而不耐繁劇請告歸此著有高梧閣集河內少受知于果堂然此作七言近體過多此在近人大率紀之

雜感

花事愁中過如天未有春月怜孤館客人薄異鄉身眼力抄書損家音望雁頻不堪遙憶舊無語泪沾巾

靈隱寺

漸引湖光去還招山翠來峯頭飛欲下雲脚密難開苔鏽千岩佛鐘鳴萬壑當登臨饒且健猶擬上層臺

壬午閏六月廿五日感懷示炯兒

予一生艱苦備嘗自審非富貴中人故知止足以樂餘年然
自歸里後僅閱二載有每遇事不可以情怒理遣者幾至無以
解愁而輒鳴之于詩用示吾兒識之蓋古人有自為行述
無撰記者往、稱其達觀曠致比之元亮司空予則無往可
述無事可傳但詩成脫稿正不可忘此中艱苦也

灰心久已戒貪嗔顧影空餘夢幻身飢附飽颺官舍僕翻雲覆雨
故交人長官有意窺虛實骨月無情似越秦早晚兩衙打鼓罷分
明傀儡弄衣巾

無端致訟有不可以情怒理遣者紀之以詩

頽然自放一衰翁煩惱多因不啞聲入眼風波隨世態驚心物候
幻天工米囊昨夜雷驚破杜宇連宵雨染紅閉戶只如守淨土庭
除洒掃備書僮

續耆舊卷百十四

西園唱和諸子之三

陸文學鑿字上貢一字松塢明經蓋族兄也詩名亞之當日稱小
放翁松塢之詩在缶堂靜軒之間缶堂次子即松塢壻松塢廉
靜人也身後貧甚遺集歸其壻今不知此屬予有其殘稿錄之

次念蓼贈移居韻

卜居仍借賀家灣喜得高霞兩字顏豈是簞瓢巷以內敢云蒹葭
水之間烟收齊舉湖頭網雨霽微開屋角山共坐樓中君莫厭白
鷗閒看日幾還

徐文學志奉字遜三一字慧江家居桓溪少為李文果堂所知谿
上詩派明為陳后崗呂中甫而吾家兼山霽士繼之遜三又繼
之遜三多病屢試不遇快、漸劇竟不起是則詩見之未達也

度錢唐

一江春水綠生波，勞動舟人趁曉過。
旅思方從吳地起，鄉心越似越山多。
孤樓倒影低千樹，獨楫垂風去若梭。
撒網更看漁者樂，先占雨氣自披蓑。

李文學謙字六謙，一字豫伯，四川犍犇峯樾孫也。少受詩于諸父，為驪使壻，西園唱和之集六謙其一也。此著有春及堂集十無，後以從孫昌昱承祧。

舟過吳季子挂劍處

河梁寂、鎖閉門，公子豪華跡尚存。
劍氣已存蒼樹沒，荒臺仍帶夕陽痕。

續耆舊卷百十五

證人講社門生之一

董大學元晉字靖之一字旦菴舉人允瑤之子也董氏自天鑑先生以來世以孝友傳其家吾鄉擬之萬石二氏至于躬行不求人知蓋有得于尊人事尊天道之教此著芳谷集四卷

閨思

堦草無端綠庭花偏較紅高樓一以眺明月照來空宵夢多山外朝華似鏡中音塵不可問雙燕若為通

題越王廟

六千君子怕國雄廿載行成養掌中劍術慣來姝女技葛絲猶苦婦人功原知鹿走蘇臺上不信雞栖角水東終古叢陽貴廟裡長廊猶捲陣雲紅

孺人謝氏緒芝鎮海縣人知固始縣歸昌女也有賢行

寄外

積雪無如昨歲多今年臘盡更如何
夜深寒色侵衣冷少向風前
抱膝歌

事、都從病裏支積愁豈敢忘君知
祇緣繞膝還双女莫忘明珠
賣妾姿

姬人管氏惺雅為謝孺人以愛相和

奉寄郎主

握別微言幸不忘肯教方寸染風霜
無家莫再輕彈缺東國于今
少孟尝

續者舊卷百十六

證人講社門生之二

董文學孫符字漢竹一字桃江諸生道權長子也江北董氏自明季顯次公稱北董別以天鑑戶部為西董及兩家子弟在證人講社亦以西董北董別之至是蓋三世矣桃江稱北董而天鑑長孫旦菴稱西董于通家兄弟中二人最長各有詩名桃江為錢菴菴徵君壻及與諸前輩唱酬遨遊閩粵之間沙至皆有集其人朴直厚重詩亦如之

送友之長安

世情日以薄展轉念長途說項空知己依劉豈丈夫遊行有母在早客為飢軀嗚呼毋工瑟燕人亦好筭

朱柳堂楊祈修兩先生至過訪誌舊

論古多在駕並馳雙筇過我坐移時欲來禾黍歌中淚似續連昌
宮裡詞霜染江楓紅已遍香殘籬菊愛還誰林頭風雨來今夕拂
拭青萍看陸離

董文學胡駿字周池諸生道權次子也其人醇雅修潔翮、梧竹
之選終日焚香嘯咏顧舌耕者四十年而晚歲卒以貧死園書
鵲散失少弟孫篤收其遺詩今漸不可問矣

貢柑詞

仙霞嶺畔路崎嶇箬籠擔來費萬夫為問官家何此急貢柑刺日

到京都

冬來早晚穀登場躬作身充分亦當差勝端陽貢新荔農忙時節
稻田荒

續耆舊卷百十七

證人講社門生之一

陳大理汝咸字華學一字悔廬翰林錫嘏子也其傳已見鮎埼亭集十六卷神道碑內茲不錄

常州道中口占示張芻山

侵晨襍被上征車遙指常州路轉迂屢有危橋舒凍足尚無旅店
息微軀層兩絮帽迎風穩双套芒鞋蹈地虛如此客途真未慣幾
回東望憶吾廬

曉渡沂水

朦朧斜月曙星殘藥餌和丸當早餐曉色漸分人影亂風被慣飽
客衣寒虺虺瘦馬愁霜謁約畧溪橋怯路難何日故園茅舍穩閉
門高臥日三竿

豈城大雪次韻

晨光初動眼模糊自啟双眸看函園未辨雲根天欲合
潭疑月色影全無空庭點破行人跡老樹栖殘寒夜鳥不
是山陰乘興客如何飄泊一身孤

謁岳廟

岳廟荒城裡巍峩儼帝宮神威臨地肅皇氣其天通漢柏
龍形古秦碑鳥篆空寫輿曾過此不是為東封廟中有寫
輿

風動石

在銅山石上携三忠姓名陳士奇陳瓚黃道園也

何年鞭到故留踪袍笏吾將拜此中飲羽醉歸真避矢
點頭頑化似因風幡幢動靈聞蟬語鱗甲秋時想漢公
石上依稀數行字我來磨洗認三忠

洛陽橋有感

我昔披閱廣輿記中載端明作橋事草檄遣卒借海潮醉覆題封
一醋字箇月廿一神示期是日海潮果不至水淺壘石克底績民
到于今受其賜及讀鄞誌蔡錫傳檄文錫構非襄製襄為造創錫
重修時代更易逾十世石摧頽兮蔡復來端明早已勒石示昨過
洛陽訪遺踪祇有專祠祠忠惠別塑一像夏將軍云即當時賡檄
使反疑再來祀失真故將子特弃置今春翻閱何氏書其鄞誌
載却無异何以泉產記泉迹豈容虛假貽後議搃因伯生悞編纂
人知其一不知二大嘆當年利濟心衰草荒烟同廢弃或訝檄神
事跡太神奇君不見孔子廟中有修器祭鐘離意

謠諑選二

康熙癸巳七月奉命致祭舜陵山中謠長率男婦數十人
齊來瞻謁相和而謠詢其歌詞云是前使臣宗承高公政

製其中句多有舛訛因為作絕句四首一章授之俾知天子神聖恩及遐荒凡屬徠民惟有晏安作息歌詠太平庶幾康衢擊壤之風復見于今日云

漫嫌我種有槃王喜得家居舜廟傍天子萬年行祀典呼男挈女沐容光

生長山中作善民男耕女織不辭辛太平時節家樂擊鼓吹笙頌聖人

續者舊卷百十八

證人講社門生之一

董永昌雲字山雲一字復齋諸生應遵孫也由太學生知房縣累
官知永昌府致仕 其傳載鮎埼亭廿八卷茲不錄

渡潞江

歷盡蠻方路重來古渡瀕流江呈地險村野見天真大樹覆茅屋
小舟繫綠筠枕源隨處有若個是秦人

宿摩蒼山頂

來臥最高頂俯身山郭低帳開雲出納樹隔月東西不避虎狼迹
偏愁猿鳥啼淒其萬里外歸夢未全迷

庚子二月晦日絕糧

勾留漸薄宦不食似于陵人嘆徒茹蘗我懷若飲冰北門雖豆藿

東郭悔無稱未諳籠紗句鐘鳴飯後僧

續者舊卷百十九

證人講社門生之二

萬學使經字授一別署九沙九世為鳳陽府定遠縣人明初從龍
功臣斌之後斌之子鍾以世襲始為寧波衛人鍾子武弟文相
繼襲指揮使王事世以稱四忠者也又世四而為中府都督同
知淮安提兵表以儒將私淑新建之學世以稱鹿園先生者也
又二世而為左府都督僉事福建總兵邦孚是為公曾祖生戶
部主事泰為公祖始喪其世職為寧波府鄞縣人戶部八子並
有名而殊尤者三人其一為公擇先生斯選其一為充宗先生
斯大其一為季野先生斯同公為充宗先生子初鹿園先生葬
于杭之西谿及充先生開講于杭遂以守墓定居故公長于杭
少隨諸父讀書南雷黃子方移證人書院于鄞申明戴山之學

公擇先生最稱高座公負劍侍于席末豫于格物博心之教諸
父著書滿座公不暇外求耳濡目染已成學海一切世俗之帖
畢不得至前此固非下戶小生之所能望也于是授三禮說數
十萬言于世父正符先生斯禎受尚書說數千言于從兄言又
授闢佛之說數萬言于公擇先生此其經學也受明史紀傳三
百卷及歷代史表數十種于季野先生受明史綱目及崇禎長
編于從兄言此其文學也而公又叩性理之學于應徵士嗣賓
求肄原委于鄭君谷口叅攷通鑑地理之箋釋于閻徵君百詩
其博且精也公成康熙癸未進士選入翰林是年公高第今大
學士海寧陳公亦同典省試且同館衣冠以為盛事尋授編修
侍郎桐城方公時以株連之禍被禁莫敢保出之者公奮然送
狀西曹遂釋之此其友朋急難之義也尋主山西試事今尚書

太原孫公嘉淦從公問學一見推挹卒成冠儒此其知人也尋
視學黔中廉俸稍優九宗五族之中隨分施之此其仁也又報
政還京忌者中傷之遂有通州修城之役此其不因人熱因以
取戾者也公之歸也家既蕭然如布衣買此作隸字得錢給朝
夕于是增布補充宗先生札記集解又數萬言春秋定哀二公
未畢又續纂數萬言少嘗取從兄尚書說輯成一編至是又整
頓之以成萬氏經學從兄明史舉要未畢續纂二十餘卷又重
修季野先生列代紀年以成萬氏史學又輯九沙分隸偶存此
其晚年著述之目也公雖布衣蔬食而見義必為未嘗少衰蒼
水張公墓道將圯公竭力修之蒼水公固充宗先生此葬公于
止己重九必為設祭此其繼志之學也雪竇山人之集為人此
得冒以為其先人之作公購而出之并訪其南屏埋骨之此此

其表彰先正之苦心也嗚呼公之立身本末如此而吾讀年譜
此載謙之不肯盡及也此予表而出之其誰更表而出之公年
七十有八而其同年戶部侍郎仁和趙公最殿以公應詞科之
辟格于部儀然公亦本無意出山而三札開局宮詹臨川李公
又欲荐公使之成其父書予知公必不能就代為止之願公之
抱恨以卒則予又有大痛者公雖篤老而神明清潔步履康健
飲酒尚可數斗猶時、為人作隸字自去冬大火靡有剩遺充
宗先生未刻之書如禮記集解春秋明辨皆燼焉其他秘抄之
本不可數也公于是終日涕洟眠食俱廢是以為負罪先人擬
之夷伯之震而馴至其病不可起公為人從容大雅不激不隨
尤喜引掖後進其于物色編修抗君世駿于髫年以為鄭漁仲
之流荒落如予公引為忘分忘年之契吹噓不啻口出晚年大

火之後而故人沈峙公之死貧無以殮公為之通告有力者以贖之其古道若此嗟、老成凋謝粉社黯然又豈僅哭其私而已哉

東吳人欽陽

火焚九沙八十年老照幸留老臉倚君園惟肖許我畫到期願百歲時吳覲面目累、增嘲笑

硯銘

果識字一研足歲丙申得片玉廿年耕期歲熟今被焚田不穀幸宋文償我欲蕉葉螳螂腹伴老農守境塢

董繼部允霏字雲扉一字梨山諸孫應遵孫也繼部二兄長為國正學正次為永昌守皆和平長厚而水部踔厲風發其才咄咄逼人以明經知臨漳縣臨漳之賦不征于官有大戶者司之大戶下有中戶分統諸都園一歲中有司此需用或一二萬金或三五萬金皆就部民正供之數增而取之部民願甚不知其何以有此多賦也而司其事者之中飽其官長等繼部至盡汰之豪強者恨甚而積年之患以除其詛蝗也蝗忽盡化為小虫但食柳葉不食未嘗遇電祝之電忽不入境聞者以為神而繼部曰是偶然耳入為繼部是時朝政不潔自大卿以至諸卿皆吏胥為之囊橐不敢加譏呵也繼部惡之思革其習一日吏白事指鹿為馬繼部詰之首伏欲杖而斥之同官爭庇之繼部怒白之大卿大卿亦依阿既不能以繼部為非其心實欲護吏良久

不訣緒部益怒頭髮上指目眦盡裂大卿內媿薄責譴之時繕
部方有疾特以吏故強入部憤過甚疾反劇臨終張目曰城狐
社鼠何日廓清蓋其卒也頗類晉之王孫云此著有筆言萬編
編修九沙曰雲扉生平重然諾慎此其性忼直而不偽于道真
可訂久要者

演鉢冠圖

一陣西風透骨寒煤山草樹盡凋殘明知不異吾生事看到傷心
也泪禪

過眼悲歡使逼真醜成斯禍一何因問言八股能亡國漫把科名
尚傲

續者舊卷百二十

證人講社門生之一

萬磁州承勳于予年長三十餘歲顧序中表兄弟之誼甚篤予嘗為作墓銘即錄之

萬氏于明為世將而自鹿園先生以後

又先以講學世其家乙酉以後喪其世將之職顧益講學從梨州黃子遊為當世魁儒此稱公擇充宗季野三先生者也三先生有從子曰言以古文著述稱管村先生者則西郭之父也西郭家門既極盛而又為梨洲女孫壻肩隨老少涵濡于問學耳聞目見總非凡近故西郭之少也進則思為學者退則思為文人儒林藝苑以為平行可造而不知其厄于過也管村修北明史忤貴臣出會五河罷官論死于是狂走數千里告急于父之諸執友得金論贖又為惡少所賺以去哀集再三始得贖其父

以歸江湖之間遂有萬孝子之目其生平沙自許則荒矣家無一隴之植衣食且不給年過五十困甚會有荐舉之例浙之大吏以之充數其老友鄭義門止之曰西郭欲行道耶恐今之世未易言也若但以博祿耶且媿其家殺矣况西郭荼苦一生其資于有力者不少一旦得官不答則貧恩欲答則力不赴進退失據不特無以持報國也于是西郭辭檄不得竟入京忽沐殊恩用為直隸磁州牧感激流涕思為桑榆之補以循吏少展其志力然而年且六十菁華亦既衰矣滄事三年大吏奏課以最入覲

天子將用為方面西郭固辭乃命之回任故人索逋者未能一副紛紜嗟怨而其子死其孫又死其妻黃蒸人亦死舉之數旁午相接西郭亦遂灰心喪氣咄、不自得以及其此開離管

村文集尚未舉也嗚呼西郭下惟自負不下于前人充其才器亦可以有此就乃竟百不一遂坎珂于患難之中以消其壯盛之志氣老得一官亦或可以稍自表見而死喪乘之是則天之以厄之者甚矣西郭諱承勳字開遠生于康熙庚戌某月日卒于雍正某年月日子一數先卒以其從孫在茲為後此著有冰雪集詩六卷西郭之未通籍查田先生感許其詩曰孟郊之流也西郭恥以詩人自域掉頭不荅晚而自哂曰我并不復能唱渭城矣又十年其壻張生之祔請予表其墓西郭年長于予且倍以中表通家兄弟之誼推轂于予甚至嘗曰後吾而生死吾而聞道者子也嗚呼予之護落而無成慙乎西郭期許之意而轉以惜西郭之浪得一官費志長逝也蓋嘗得義門言之至于流涕故身後之文無諱詞無溢語是為表

被底吟

日、起四更日入行未止
灰沙漲帽簷冰霜濺牙
齒野飯不成餐
野道不成里執鞭手指
圯執鞍解欲死劣馬更
顛蹶般傷及骨髓
風火發痛癢一搔一
癩起夜來偏撫摩問
是誰身子枉廢慈母心
三年懷抱裡

展梨洲先生墓

分栽墓木約還賒
哭罷驚看萬樹遮
烏桕白時紅葉盡
滿山十月放梅花
先生命子夫婦種梅墓側

謝陳山學贈表

十七年為先人患難疾病海內里中行乞殆遍獨禦寒之
具尚有存者今年妻子乏食典賣無餘客齋寒至
昔每誦東野一步一步乞半片半片衣自為訕嘲山學歸

自閩中製裘遺我今而後寒亦何畏但愁寒具之不為先
人盡也

輕裘遠寄海天寒孤館欣同煖閣看駐去悲風攢入骨雙視淺土
未曾安

蘭亭尋冬青樹

蘭亭後天章寺前有冬青穴六陵名為穴上
植冬青今為寺僧淹沒

昔日楊總統發陵收珠玉今日天章僧犁平竟為屋、旁何處尋
諸陵斬盡冬青俱栽竹雲山不再來皋羽不復哭生時諸帝爰偏
安死後一坏頻見辱五國城邊遺植寒不封不樹斂宗獨二帝梓
宮止斂
還宗南已焉哉從此到蘭亭冬青冬不青

謁昌平十二陵十三首

長陵成祖文皇帝陵在天壽山中峯之下 永樂

皇陵十二聳巍、壽域天開歷數歸試看北平飛玉鴿如何阻得

雁南飛

永樂七年七月營壽陵于北宮昌平縣東識者謂北平當王蓋兆十二陵也

獻陵

仁宗昭皇帝陵在天壽中西岸之下距長陵西北一里洪熙

監國危疑百里并一年踐祚惜無成獻陵近侍長陵右問寢依然

未北征

景陵

宣宗章皇帝陵在天壽山東之下距長陵東少北一里宣德

獨除殺運樂寬仁十載雍熙治象新陵寢雖卑功德大有明一代

昭陽春

初太祖問劉基天象事基謂霜雪之後必有陽春今國威已立直少濟以寬或言殺運三十未除基曰若使我當國

掃除俗弊一二年寬政可復也

天壽七陵惟景陵規

裕陵

英宗睿皇帝陵在石門山距獻陵西三里廢陵少西正統

睿皇晚節悔從前臨沒英明大體全殉葬諸陵從此罷城眉淡掃

盡餘年

帝不豫憂分後事命太監牛玉執筆口占使書之其一東官即位百日成婚其二定后妃命分其三勿以嬪御殉葬

茂陵

憲宗純皇帝陵在聚寶山距裕陵西一里成光

內監顧危幸不終羣奸左道又相蒙純皇妃下還應悟阿丑詆譖

術未工

大學士商賈湖湘羅注直西嶺上怒曰一內監顧危天下

醉者酌酒狀前遠人狎曰駕至而融罵太監何也曰吾知

有汪太監不知有天子自是直龍少衰彭時卒商賈致

任萬安劉吉繼相李汝省以符水得幸掌通政司密命訪

察百官賢否僧繼成入禁中得進其術賜珠玉無算

奉陵 孝宗 敬皇帝陵在史家山距茂陵西少北二里 弘治

同心四相治從容天下安然帝德恭俯仰山陵私論世孝宗全盛

撫宣宗

康陵 武宗 毅皇帝 在金陵山背負五嶽如言 嵩 嵩舊名蓮花

宇內何嘗得遍觀蓮花峰簇寶城寒將軍自壽稱威武廟跡千秋

竟不刊

永陵 世宗 肅皇帝陵在十六道嶺後致陽翠陵距長陵東南

三聖 嘉靖

黃屋青山獨壯哉長生龍馭幾時回一桃夜幄驚天降今日園陵

滿樹裁

陵北魏精繼長陵不及高殿明樓皆以文石為砌帝自葬長生聖智帝居嘉靖四十三年五月桃夜降于御園左右云自空墜上喜修迎恩典五日机復降

昭陵

穆宗莊皇帝陵在大路山距長陵西南四里在定陵之南東向隆慶

昭陵樹木未全刪指點明樓瓦礫間誰念九重臨御日好修宮苑

浩鰲山

御史詹仰庇言陛下取戶部銀盡以供造鰲山修理宮苑花相龍鳳歇隨祭傳造監拒玉盆之費使羣小因而乾沒為聖德累不少帝怒命錦衣衛治杖百降為偏叔明樓為流賊劫焚

定陵

神宗憲皇帝陵在大峪山距昭陵北一里在康陵之角東向萬曆

福至藩邸甫遭焚寢殿旋來恣寇氛骨月可伶存沒恡獨留無恙

貴妃坟

殿廡門為流賊以焚僅餘江牆一週樹木俱盡貴妃葬西山按崇禎本紀十七年三月甲辰賊陷昌平州焚十二陵編調諸陵其被焚者實止昭定兩陵而本紀云然者恐當時擾塘根為實肆亂之從無人政政也

慶陵

光宗貞皇帝陵在天吳山西岸之右距離陵西北一里奉昌

即位方將善政誇未經一月晏宮車至今傳說埋龍地倉卒來尋

景奉寤

景奉寤先是景奉中建為壽宮英宗復辟景皇帝葬西山之麓景遂遷光宗上賓既速倉卒不能擇地乃用此為

陵

德陵

熹宗哲皇帝陵在擅子路距永陵東北一里

逆瑞妖縱古無倫帝獨能全夫婦恩國變榻房殉節苦憑誰收骨

祔陵園

忠賢欲誣中宮父張國紀謀立侯王為不軌以吳天獄謀之王體亮曰主上凡事積獨于夫婦兄弟間不薄脫

有變吾族無然類矣忠賢乃止

思陵

莊烈愍皇帝在鹿馬山口一里崇禎壬午田貴妃薨葬此營建未畢而甲申都城失守四月三日賊以帝后梓

宮殺引至昌平州士民率錢募夫四日申時葬之田妃墓內移田妃于右帝居中后居右以田妃之柩為帝梓

焉漸遂君而封之門外右為司太監王承恩墓以從死附

帝星移度日無光定志身從社稷亡陵到十三陵崩變獨堪面

見高皇

崇禎十七年三月壬辰欽天監奏帝星下移二月後四川日月無光勳按十二陵俱天高山左右遠

門北望享殿明披歷、在目惟鹿馬山由昭定二陵西折
而南自為一域大紅門內望之不見

西郭論詩極嚴刻意求為詩人之詩然而沙造非其志天
分限之書卷亦不足以副之也既仕尚有勉力集則益無可
采者幾乎不復能唱渭城可怪也

續耆舊卷百廿一

證人講社門生之一

范泰寧廷錫字質夫一字呐齋知延平府光陽長子也少有幹畧以管樂自命延平案牘多出其手其後知泰寧縣稱能吏太寧有函網中先生墓事見李徵君元仲集故義士謝翰此葬也呐齋以其地窪濕故葬之城東建忠義亭且亭碑焉論者以為不愧姚江黃氏之傳撫軍陳清端公諱壘首荐之會以病卒子從徵其予同館最相得

呐齋跌宕之才擲滄一擲百萬兼喜挾邪之游故其詩有雄氣亦時作綺語梨洲亟稱其才亦最賞其詩其在講社中別成一格此謂不羈之才也

鬼火

誰傳鬼火是清明豈有兵荒恨未平
置汝百年寧後死誤人千古
是長生黃泉絕少憂時淚白骨空留蓋
世名昨夜將星如斗大甬江墮落竟無
殺

天水即事

雄边重建數秦州一劍千詩汗漫游
天水已無宮月照沙場犹有
陣雲留突來猶鬼心偏壯犹鬼出漢書並
蟲傳似猴亦似狐能憶
月下兩見之形往來則拜人財物秦龍人多祀之余
不能為害縱去人熊氣未收熊有人狗猪馬之別似捕
嘆息十年前到此書生何必不封侯

豫讓橋懷古

晋陽城頭三板濕趙氏君臣皆喪魄
一朝韓魏不同謀輔果改姓
潛其跡啾、強鬼哭頭顱千載賢愚
啞智伯漆身吞炭獨何心
廁中橋畔頻相格仇人未殺恩未報
徒然死耳終何益甘以七尺報

知音外此閒情都不識
英風爽、起悲思
漸離舊是燕丹客
君不見
衣穿履決山澤癯
餓死不受人憐
惜生平既無一飯恩
夜、安眠魂帖席

寒食登千佛山回至大明湖小飲遇雨

春色深如許
羈人迥不知
山川真舊友
花柳是新詩
古塚黃錢少
空門白日遲
客顏容易醉
况在斷腸時

折獄

鬻獄原無論
誰為折獄人
情因閒處得
理向靜中真
案積刑多濫
年深富亦貧
公移昨日到
先死是親鄰

宿長山

寒天倦馬宿于陵
懶上危樓第一層
好向無踪悲社燕
雄心欲試
咲藏鶯誰家鼓
送折歸婦何處鐘
覩托鉢僧幾度
經行人慚老醉

揮青淚忽成冰

自閩嶺達于天津凡耳聞目見及公有此觸即成韻語其詞

極鄙其意或以風也

客心原是亂雲堆分水關前哭欲死不肖兒方別母去多情山已

望即回

分水關在江石關中分界之地山上有危石特立宛然如婦人携子遠望者髣髴依然衣裳酷肖土人名其石曰望

回郎

三週兩歲小了頭腰繫長繩走不休儂亦有兒初學步如何拋撇

坐孤舟

三分勛肉百錢雜魚辦年來價不低只為郊勞、上客幣錢領出

用如泥

掀簾一嘆禹城東過客心痴眼欲朦儂自敝衣塵土面不知大地

有春風

寒食苦雨

樓臺繚繚臥龍山，抱膝堂開第几灣。
遙望人居圖畫裏，誰怜心在水雲間。
風來密樹彈清瑟，雨過前村浴翠鬟。
消受一爐香篆冷，昨宵得句此宵刪。

立夏日登臥龍山

無計留春任此之，啼鶯偏坐最高枝。
臥龍咫尺明山路，獨立斜陽倦不支。

淺水殘霞新月冷，濃烟密樹晚風閒。
分明一幅倪迂画，寫在深春初夏間。

吊上書人

乾坤許大竟無人，一疏批鱗力萬鈞。
未必布衣肯袖手，從來傑士不謀身。
妻孥決別情偏賸，名姓流傳記未真。
怪雨盲風誰作惡，孤

臣泣血洒車塵

謝疊山先生賣卜露

建溪驛橋頭有宋謝疊山先生賣卜露遺詞久廢斷碣無
存綏安名宿何江村秉鐸茲土特樹碑表之并賦紀事時
方讀紡綬堂集即效其體

塵懷病荒少新詩敬為先生一賦卜世卜年長有恨為臣為子兩
無疵死同孤行殷亡後事異君平漢在時嗚咽即憑橋下水子規
啼罷雨絲

長橋古廟已荒烟誰樹封碑表昔賢兀坐寒毡舒隻眼共流熱淚
足千年文山前死原無異夏貴多生刻可憐却憶游踪曾過此四
山凍雪滯歸船

西網巾先生新墓成誌感

主僕何為者相依函網巾誓存一代制恥作二心人生死無名姓
艱貞泣鬼神至今溪水碧猶是血鄰、

謝生賢達士負骨葬松窠不恤危疑甚應知慷慨多高風洵足式
瘠地奈之何華表今新築良霄鶴可遇

續者蘊卷百廿二

證人講社三張之一

張孝廉錫璜字志呂一字漁溪大行士塏長子也早喪父母陳儒人為葵獻女弟性端嚴罕愉色孝廉以率教得其懼心其弟錫璜最友愛講學論文出入必偕垂老猶同愛詩古文詞研磨工細慈水姜湛園嘗以英絕領袖稱之康熙辛卯試北闈湛園應主試孝應不過其門卒報罷及湛園非罪死獄孝廉哭之慟曰公不私我况他人乎又十餘年始以歲貢登甲午賢書孝廉于詩文外喜琴書奕然善書画且以母病善醫人賴以活顧不以一長自銜即言笑亦不苟舒臨終整然致別多人向其子縷持躬處世諄囑以讀書不可不講道則其于講社得聞證人之教而能致力於淡泊寧靜者已深也詩稿前後竄易雖已刻者

猶刪改茲多錄其未改刻者子清永寧永其子善寧永向同硯
席今助予採詩為有功于是集

登千丈岩下瞰瀑布歌

何年雷斧鑿山巔轟雷萬古摩青天我聞狂喜覓僧伴芒鞋布襪
行踰躑嶺深滑磴蟠蛇曲松濤漲凌飛鷲須臾壁立青雲梯脚踏
洪濤千丈懸白虹渴飲奔陰壑神龍暗墮噴飢涎晶盤驪珠散蛟
宮瓊膏玉屑瓦藍田封姨醉舞崑崙雪馮夷怒激銀漢泉下有澄
潭搖空碧層崖滴翠鳴濺、狂飈倒捲綠蘿帶扑面寒雨迷蒼烟
亭午日射幻精光晴電縹渺朝霞鮮九采灼爍蓬島氣疑有羽客
燒丹鉛乍瞰驚魂落在紫貪看双足忍針黏孤松解言立若側虬
枝獨偃扶危顛安得長空面絕壁終日笑拍洪崖肩嗟乎山神好
高何太酷故使峭絕愁寅緣鞭山驅水五丁力胡不移置妙高前

老我此中臥白雲長嘯臨風聽瀑溪予聞匡廬瀑布天下美黃山
水廉多神仙雁岩龍湫最奇絕不識其之誰後先囊中五岳行須
製脚下雙屐何時穿名山半落招提內咲謂老儒宜逃禪歸來解
脚投短榻遠岫忽暝雷雨達山靈有意震餘響空橋一夜驚高眠

贈南海陳元孝

湖海豪風自鞅羣人傳忠節有清芬先公碧血悲黃壤孤子丹心

望白雲

尊人明李死節

吳市久藏高隱士霸陵誰識故將軍

晉校錦衣指揮

馮

君為話家司馬遺事淒涼不忍聞

寄荅范質夫次原韻

我正思為客君何渴欲歸極知行路苦其奈守株非鬚鬢年來逼
毛錐事業微飢鷹愁架上誰其解絲亂

莫寒村先生將遊連蓬山觀海招同人過半生亭有詩見示

即次原韻

先生胸自足風光
花落花開坐草堂
白髮何須歎種、朱顏
猶得見常、相將
舊雨幾人到又逐
閑雲一片忙
此去文瀾增壯闊
休言筆墨看拋荒

李東門招陪鄭寒村先生用王右丞鄭通州相過韻

相違已隔春鷺見
白頭新筆墨兼三絕
風流屬半人
老思視後輩
病喜得閒身
肯共携游榼
村醪尚不貧

輓姜湛園先生

千秋人物起衰靡
山斗羣瞻著作師
何李費才真自枉
曾王平造不須疑

公論韓蘇文天分高
唯學曾王人皆可到

清溪花泛看蚊擷
上苑鶯啼聒鼓吹

幾向藝林餐秀色
于今蕪穢望誰治

端為誰場請托行
矢言寧敢負官評

上謂公居官清硬

誰云市甕疑難白

到底青蝇玷易明，黼座悲吁和日慘。上聞公及圍扉魂嘯逐風清。莫息再三楚些悵我湖塾上，非復題詩笑語教。樞傳北湖塾上前寄示近詩，有莫作題詩懶歸時笑語頻

句之
調慈湖書院

藐解落萬緣寸心生，百感光明少障蔽。靈臺輒震撼，湛然意不提。
太靈深舒恠，指歸契象山。如水流象坎，希聖在精神。立懦惟肝胆，
江南夫子稱微公。當孰敢

鄭寒村先生晚年病廢，以左腕作渴筆，西倍覺蒼秀。今風流不可復得矣。進仿為此，可希虎賁之似中郎否。

梧竹陰、清盡寂水雲漾、碧天虛草堂。誰共滄浪咏，有客扁舟罷釣魚。

寒翁遊戲墨蕭疎，時下丹青習掃除。遷史文章遊歷得，從知西亦

本詩書

光溪為吾鄉佳景游者多以清音樓作山主風亭月館由溪
入江別開諸勝而于響岩及賀監高尚宅址發其概秋時
丹楓夾岸碧水通舟尤繫人懷予昔游它山云坐久恍游
千里畫吟清疑讀四靈詩今鄉夢游即以趙千里法設者
綠色函之而此系一詩亦趙靈芝詩謂溪流合讓清、者
也

雨後閒雲作熊飄杖藜貪看度溪橋更覺覓座山窓對忽見青帘
樹底招

乱洒雲烟唯海嶽真傳衣鉢有房山揮毫此外求顛侶草聖三杯
定抗顏

元季四大家惟雲林古溪天覺叔明子久仲圭輩過費神力

矣不襲羣芳獨標孤秀洵此謂迂哉予效其迂直侷于逸
大癡筆墨胡妙哉變化寔向荆關東更唱虞山供皴染相林雲壑
恣徘徊三昧得之信乎是一朝劃然生面開西陵螻叟精摹寫余
也出藍難脫胎自古名家多超悟色靈粉脂終凡材君不見旭書
飛舞從劍氣韃馬神駿師龍煖

續耆舊卷百廿三

證人講社三張之一

張太學錫璵字豈羅一字韞山大行士埶次子也少異其從弟文
學過雲胞兄孝廉漁谿齊名性醇厚和平不言而躬行發為
詩古文詞皆溫潤雅馴兄弟互相友爱胞兄性一不耐瑣屑其
其于家政一切不問租賦貨布皆令太學主之門戶既大應接
不暇顧其于枯菟之門泊如也已而婚嫁日多勢不支家中落
露之怡然萬編修九沙嘗曰韞山少年可謂富而無驕及其老
也可謂貧而樂其居家如姜肱其待人如陳實雅控觴政風流
蘊藉竟日不倦然未嘗有失言失笑蓋梨洲再傳高第能以善
人之資成君子之養者也宗正王公國棟持節至勤特旌其閭
曰田姜遺美年七十卒詩著述有二十卷太學五子長學齡次

祚永次卜世俱補諸生次全斌登庸熙

右科舉人皆異予為文字交惟第五子尚幼故予甫冠即得陪杖履有知己之感焉

太學談言微中不大殺色有長者素不喜予于廣坐中詈予太學徐曰豈有以丈人而與子弟爭名者滿座為之絕

倒

聞鐘殺次李長吉官衙鼓韵

白雲山頭落日夜靜鐘殺送月出聞來百感俱逼人但覺殺、
愁入骨此生恩怨無時白更向他人訴不得古劍光寒閨無色睡
眈之報滿家國吾愁亦寄鐘殺遠欲祛鐘殺、已絕

同鄭寒村登招寶次章贈韻

吳門逸士同顏叟忘年愛結林泉友威遠城頭瞰海潮半山遺跡

時矯首高樓已駭怒濤雄古洞還驚絕壁陡歸揖主人康樂公詩
成索紙龍蛇走聞君少壯最多才馳神丹篆書蝌蚪又聞秘術授
壺公出入玄功善內守英雄不過類如此我欲為君發狂吼海波
不動四十年久息狼烟徹刁斗誰識王孫故園思君家奇績符曾
剖吳亡千古同悲酸痛哭厓山逢颯母江左夷吾志若成如君應
亦卯懸肘五家司馬已成仁年、空酌南屏酒在昔東南孤島中
五千義士田橫有于今怒氣若胥濤晨夕潮聲隨外酉聽君忼慨
發悲謠英靈自語忠臣後我亦遺恨寫滄桑字句不暇計妍醜乘
風破浪君素心立功異域垂永久星移物換固常有不見白雲變
蒼狗

天眼看限韻

昔當九月廿五夜二鼓

廣寒可通星清淺太白垂芒蚤尤捲天道出遠蟲測難倏忽幻懸

象顯譬若人情鬱積多喜尫開顏怒發喘近來世事實偏頗問天
無路鬚空撚轉移欲藉冥司權刑賞安得天吏道即今斂袴盡登
賢入龍文虎嗟命塞高秋感事句新裁半生書帶燭頻剪不料蒼
旻忽有知千古惜騰瞬息轉推步從來少歷家傳聞亦不紀書卷
理此必無豈可憑事屬快心何立辨期心虛吏虎翼加怙惡豪強
蚤作繭一時胆落亦魂驚如炬隻眼願長展光明烟爍掛碧空二
十八宿俱敷衍但恐天心人事同法網寬弛令弱輟青天白日偶
潛形昏夜旁門仍乞免颺然轉睫復空冥片刻之明威福鮮

鄭寒村先生半生亭樂成奉贈

天教左筆能書畫人識艱行廢送迎巧固堪誇拙亦善病因無可
奈先生

題八大山人函蘭山人號雪子

大地山河等壑舟誰將姓氏記春秋
偶然留得蘭蓀影尚有清香一片浮

續耆舊卷百廿四

西湖詩派三陳詩

陳文學綸字言如一字鹿山家居萬金湖而學詩于宗正菴之門
正菴詩弟子其時推董文次歐費秉桓而文學年輩先之嚶、
狂者當其論詩得意靈雖長者之前不肯少屈剡源舒后村故
稱宿老然向嗜王李最薦董文嘗為之言其非欲稍化其門戶
之見后村持之頗固文學繼之痛指其失后村之見始稍奪因
介之見正菴后村遂棄其學從龍津唱和之集正菴同文學獨
論定之雅通經術者有志于先儒之學統顧不得于場屋翫辭
以老子嘗謂文學不當僅以詩人名然而四十年以來宗董師
友淪喪殆盡不特文學之經術莫有知者亦并不得分詩人之
座予詢其後人困厄樵牧中湖上年少不能舉文學姓氏矣董

生乘純為予求得殘集亟喜而傳之雖未足以盡文學之長然
居然宗氏源流也

書此見

春深草色肥老農勤誥討節候山鳥催請種不嫌早雞唱徒炊飯
出門日已杲驅犢嘯兒孫蚤暮調飢飽小姑驚蚕蛾隔院呼某嫂
不畏露沾衣那顧眉未掃農桑各有為溫飽皆天道秋冬園閉門
勞苦寡煩惱願言隨農叟歲月耕耘老林鳥歸夕陽游魚弄輕波
掃石憇橋側農夫負笠過洗足橋下水耨鋤細濯磨幼兒喜久歸
笑問若則那長兒歸塾中古詩顛倒歌携手或攀肩一、為撫摩
自云日漸永耕田十畝多入門懷老妻新春飲微醅驅雞入樹柵
倦臥不知他

雨霽

輕雷漸遠雲歸浦衆鳥齊名風亦迴花自雨餘迎翠至山從雨後
送青來新篁含粉綠衣落紅豈分秧近水栽最是田園沾足後早
炊村酒遞傳杯

得雨

家、望雨插秧齊雨脚初生山欲迷一夜黑雲翻麥隴半溪渾水
沒鋤犁新畲一色平如掌短草無名密似篔簹閒却桔槔黃犢穩牧
童歌後學鴝啼

陳文學昌泗字魯水一字南塘諸生為人敦篤古道質直好義法
言法行造次不苟先君嘗曰吾同人中且以進一亦古先進者
魯水宗獻二人而已魯水此造倍密宗獻詩見英多相其高視
濶步非礼勿履時以正議扶末俗后村夫子以為怪而議者
獨心折之束脩詩入不足供八口之衣食乃以易傳賣卜巧發
神中至其持論如蜀莊必依于孝弟忠信不徒以禍福休咎動
人卜畢即垂簾焚香賦詩自遣已而其宗獻出游亦無此遇宗
獻卒益孤另歸隱于醫雖鶉衣藿食而歌殺出金石忘其窮也
先君論其此造以為在康齋月川之間其詩出自陸文春明之
門吾友萬西郊最喜誦之以為一片本色毫無脂粉亦寔錄也

無題詩

由來忠勇誰能敵指日官軍充舊京議主和戎偏有力功堪唾手

竟無成君王自忍捐宗社
臣子何勞苦戰爭最是當年羣父老
哭遮馬首不勝情

仲冬始接家信 丁丑五月登程

出門方苦夏日炎倏忽又畏朔風嚴
屈指離家半載餘今朝得鞍
平安書昨聞書到心狂喜
詳讀書言愁又起高堂白髮幸無恙
終朝倚閣常惆悵嬌兒學步行
翻心索果餌垂空涎門戶支持仗
阿兄醫瘡剗肉勞經營况聞今年秋
租薄穀價低昂還未卜種
情事傷我懷中宵攬衣起徘徊
攬衣徘徊亦可聊窗前倏忽雨滿
滿

苧蘿村懷古

欲治強吳訪麗人
當年謀國孰能臣
越邦尚有三千里
宗社憑于

弱女身

陳文學士良字宗猷一字裕齋予嘗為其作墓版文

候魯水不至

陽春忽已晚社燕仍歸來
折草滿前岸閒階長綠苔
故人不可見對月空徘徊

續耆舊卷百廿五

曉山詩弟子之一

董文學正國字次啟一字南岡諸生劍鋸從子也少學于世父之門前輩如錢退山宗正菴周祀公舒后村皆賞之尤工古文精少學詩學杜文學韓顧諤、自許不可一世也生平著述最秘惜緘滕甚固不肯輕以示人予時從之受業先生性嚴生徒不敢妄有訛白而予疎率每問難輒援據多端相往復時或醉後不檢先生故愛予嘗曰此吾門俊人也惜予老矣不能復其爭也既予求先生集觀之不肯出同學張君寧永乃乘先生他出私啟其篋竊抄之得百餘首詩而不暇及其文也已而先生卒予方在京師及歸共遺集不知此之賴張君抄得入此選追思當日先生以彭宣靈植待予豈知身後孤負至此為之泣然

早起

斜月在竹外竹裡人家村竹疎弄微風月影直到門須臾月墮繁
星散眠鴉數報淡河漢轉似黃昏月未出輕烟漠、籠天半

立春

隔牆人語喧結伴迎春去春色若迎來分與庭前樹
美人理新粧問郎宜祇祇恐郎言錯回身對明鏡

田家夜發

明月在天霧在地月光霧氣結成寒戍樓四殺五殺鼓溪路千尺
百尺灘孤舟逐浪不肯住滿載水殺出烟霧茅屋深林臥者立門
外已有人來去

嘲蜂者

高梁后之板屋祇知其甘不知其毒

道陳言如

豈不怨風霜士為貧以使九日秋欲盡堅冰從此始顧君衣裳單
如何達淮淠一袍不能贈慚愧彼鮑子流水不事嘗自載舟逝
使我素心人不得須臾留芙蓉臨水渚天氣正新秋夢中或相見
期我水西頭

望山寺

滿山青翠盡杉松寺在雲深第幾重惟有鐘磬藏不住夜來、自
最高峯

閨詞

北閣朝來刺繡紋綠絲斜度少金針花荷蓮子須臾就刺到鴛鴦
到細心

縫衣曲

西風蕭、秋已分。白日初墜，生浮雲欲雨，不雨天氣黑。落葉堆中
鳴蟋蟀，深閨女子漸知寒。晚向箱中檢袴，紉手持刀尺，躊躇久短。
長遣取舊時看裁，就小腰并廣袖蓮花並蒂。當中綉紅絕繫上錦
香囊線線釘，將金鈕扣。閨中幾日裝成時，披上還愁鄰女嗤。回頭
含笑問夫婿，果然此衣宜不宜。

夜赴奉川

出城風物已蕭條，落日寒山送去橈。纔過南塘方二城，恰來北渡
正平潮。水殺漸急知江狹，月色初明覺露消。一路好山看不厭，時
時來往在清霄。

遊岳林寺

秋色在野寺，高林集老鴉。行人隨夕照，看菊到僧家。潭影倒紅葉
江光走白沙。滯人歸未得，隔水看瓦霞。

舟行雜咏

下水舟行速上水舟行遲行遲亦不厭得盡山川奇山川有異性
曲折任所宜一曲水崩迫一折山巔岑乃知天地分直者無以為
日落收帆檣扁舟繫古木人家隔水橋野花間修竹衆客競登躋
我自倚舟軸俯愛江水清仰愛山光綠

子夜春歌

春風三月天開窗罵小鳥何事繞枝啼
穀歡常起早

子夜秋歌

白露下梧桐更深坐未歇
穀歡莫喚僕、自要看月

三餘草堂讀書同張韞山柴漁山顛倒和萬西郊詩

蒲園竹樹我全耽張仲從未不謂貪明月半庭宵飲旦好風一袖
畫眠酣讀書愧未窮經五靈世漸無緘口三何以閉門消永日時

時著論學禪譚

老我生涯四十三封侯無骨亦空談
差能兒俗貧無怨惟有宜家樂
且耽失學肯教兒輩懶送窮直欲笑人貪
新秋良夜思歸去笑語園園醒亦酣

三餘草堂雜咏

盛夏衆木凋天開亦數尺好日上牆頭
無由入牆隙時欲持斧斤斫却間栲櫟
獨留楊柳陰春來看鶯擲中庭種芙蓉
綠葉田、長過時花不開無由得心賞
花開有幾何色異香俱往何如此未開
猶作後來想

游柯山石室

久說柯山好今逢春服成花含前夜雨
船載一天星漁舍通松塢人家隔柳汀
竹舟遲亦得窺、有啼鶯

眼鏡

巧匠斲玻璃、法應規、輕如蟬鼓、翼清似水、激波照眼、連雙璧、
臨文曜二儀、玄珠從可索、罔象漫施為霧裡看花、徹蠅頭作字、奇
何須工部嘆、能雪子都嗔、四目今真見、重瞳舊不欺、以虛當受物、
惟潔足稱微、出類珠離蚌、藏疑燈在帷、妍媸隨顧盼、用舍適挑宜、
常得壯夫笑、還令童子譏、容成雖胃族、毛穎是相知、偶上縫人榻、
或覩老婦機、玄功參造化、妙用入希夷、慎勿嗤淫巧、珍同席上珪